

**Asamblesë së ortakëve të Shoqërisë Albeton 5 sh.p.k.  
Ruga Ndre Mjeda  
Tiranë - ALBANIA**

**RAPORT PER PERCAKTIMIN E VLERS SE KAPITALIT NE LEKE  
TE "SHOQERISE ALBETON 5 Sh.p.k."**

**Përgatitur nga  
EKSPERTI KONTABEL I AUTORIZUAR**

**PERI BUZALI**


33

**RAPORT PER PERCAKTIMIN E VLERES SE KAPITALIT NE LEKE  
TE "SHOQERISE ALBETON 5 Sh.p.k."**

Të nderuar zotërinj

Gjatë kryerjes së misionit tim në grupin e ekspertëve kontabël të privatizmit të kapitalit të zotëruar nga ortaku shtetëror në shoqërinë Albeton 5 sh.p.k. nxorra në dukje se kapitali i shoqërisë në dokumentat zyrtarë të gykatës shprehej vetëm në USD. Në përputhje me ligjin shqiptar të shoqërive tregtare kapitali i shoqërive duhet të shprehet detyrimisht në lekë. Për këtë qëllim dhe në cilësinë e ekspertit kontabël të autorizuar të shoqërisë së mësipërme i sygjerova drejtorisë së saj që të kryente dhe një saktësim të kapitalit të saj të shprehur në lekë. Drejtoria më ngarkoi misionin për përcaktimin e vlerës në lekë të kapitalit të shoqërisë suaj më datën 30.06.1998. Për kryerjen e këtij misioni unë jam bazuar në rregullat e përcaktuara nga legjislacioni kontabël në fuqi dhe në përputhje me normat e profesionit tonë si dhe në dokumentacionin të shoqërisë tuaj. Nga studimi me hollësi i dokumentacionit të paraqitur nga drejtimi i shoqërisë në lidhje me vlerën në lekë të kapitalit tuaj arrita në konkluzionin si më poshtë:

- 1- Të gjitha marrëveshjet në lidhje me kontributet fillestare dhe ndryshimet e mëvonshme janë bërë midis ortakëve të shprehura në dollarë amerikanë dhe në kontabilitet janë paraqitur të shprehur me lekë në bazë të kursit të ditës.
- 2- Kontributet fillestare të kapitalit janë bërë në USD një ndryshim e tij është shprehur në USD dhe dy ndryshimet e tjera në lekë. Të gjitha këto ndryshime janë shprehur dhe regjistruar në kontabilitet në lekë me kursin operativ.
- 3- Kontributet e kapitalit dhe shtesat e tij janë kryer si më poshtë:
  - Sipas kontratës së parë dhe statutit të parë të lidhur midis dy ortakëve të shoqërisë në nenet përkatsisht nr. 3 dhe nr 10 kapitali i shoqërisë përcaktohet në masën **567,980 USD**. Kjo shumë në këtë moment është vlerësuar me kursin operativ 1USD = 107 lekë dhe rezulton **60,773,860 lekë**.
  - Sipas mbledhjes së dytë të asamblesë së ortakëve të zhvilluar më datën 12.11.1993 konfirmohen kontributet e mësipërme si dhe vendoset, në masën e fitimit të rezultuar në bazë të bilancit të 9 mujorit që rrit vlerën e shoqërisë, një shtim i kapitalit nga të dy ortakët në shumën gjithsej prej **75,210 USD** duke arritur në shifrën e kapitalit me të cilën do të paraqitej në bilancin e datës 30.09.1993 prej **643,190 USD**. Ky shtim i kapitalit është vlerësuar dhe paraqitur në kontabilitet, sipas bilancit të hartuar nga qendra ekonomike në datën e mësipërme, me kursin operativ të përdorur prej tyre prej 1USD = 107 lekë duke kapur vlerën në lekë prej **8,047,535 lekë**. Kështu me këto kurse historike të këmbimit kapitali prej 643,190 USD vlerësohet me **68,821,395 lekë**. Kjo shifër paraqitet dhe në bilancin e datës 31.12.1993 ndërtuar nga qendra e evidencës ekonomike (i mbartur si çelje e vitit 1993 në vitin 1994).



39

- Gjatë vitit 1994 sipas vendimit të asamblesë të datës 13.03.1994 është kaluar në kapital pjesa e fitimit të realizuar gjatë tremujorit të fundit të vitit 1993 prej 1,942,671 lekë e vlerësuar me kursin 1USD =100 lekë jep vlerën prej **19,427 USD**. Kapitali i shoqërisë më 31.12.1994 arrin kështu i vlerësuar me kursin historik të këmbimit në shifrën prej **70,764,066 lekë**.
- Në vitin 1995 sipas mbledhjes së asamblesë së ortakëve të mbajtur më 5 shtator 1995 vendoset që të kapitalizohet fitimi i vitit 1994 duke rritur kështu kapitalin themeltar edhe me shumën prej **4,279,446 lekë**, gjithmonë duke ruajtur raportet e pjesmarrjes. Kapitali themeltar pas këtij kapitalizimi arrin në vlerën prej **75,043,512 lekë**. Duke ecur në linjën e konvertimit të kontributit dhe në shprehje në USD pjesa e fitimit e kapitalizuar në vlerën e mësipërme me vendimin e asamblesë datë 05.09.1995 kapitali rritet për **45.98 USD**. Kursi i përdorur ishte 1 USD = 93.06 lekë, kursi zyrtar operativ i BSH. Kështu dhe shuma në USD e totalit të kapitalit prej 75,043,512 lekë shprehet e konvertuar me kurset historike të këmbimit në **689,176 USD**. Kjo rritje e fundit e kapitalit nuk është regjistruar në gjykatë, gjë që duhet bërë menjëherë.

Ne përfundim të kësaj akti vlerësimi të kapitalit në lekë konkludoj se kapitali themeltar i shoqërisë Albeton Sp. K me 30.06.1998 paraqitet i shprehur në lekë, **75,043,512 lekë**;


Baza dokumentare e përdorur:

- Dy kontratat e këmbimit të shoqërisë në vitin 1993,
- Dy statutet e shoqërisë të vitit 1993,
- Aktet e vlerësimit të pasurisë së NPMN nr.5,
- Dokumentat themelore të detyrjes së kontributit të kapitalit në para,
- Vendimet e asamblesë së ortakëve për ndryshimin e kapitalit në rritje,

Tiranë më 10.09

Eksperti Kontabël i Autorizuar

Peri **BUZALI**




PERI BUZALI  
Ekspert Kontabël  
i Autorizuar  
TIRANË ALBANIA

35